

พรปีใหม่

ผู้ประพันธ์ นางสาวกร พรมไชยา

แสงสีทอง	สาดส่องขอบฟ้า	แหวกมานเมฆฟ้า	วาระดีถี
ปีเก่าล่วงลับ	หือนับแถมปี	เข้าสู่หน้าที่	แห่งปีใหม่แก้ว
ฤกษ์งามยามดี	เป็นศรีผ่องแผ้ว	เหมาะสมวางแนว	จีวิต
ย้อนผ่องเวลา	ผ่านมาสักนิด	ก่อนคิดสรรค์สร้าง	ต่างใด
เอาอดีตนั้น	เป็นสิ่งเตือนใจ	เยยะหยังผิตไป	แก้ไขใหม่เจ้า
เปลี่ยนปีเมื่อใด	เปลี่ยนวัยหือเฒ่า	เพิ่มอายุเฮา	หือหนัก
เวลา วารี	บ่มีหยุดพัก	หรือจักตั้งถ้า	คนใด
ถ้าท่านจะกิด	สรรค์สร้างสิ่งไหน	ควรรีบเร็วไว	เยยะไว้แมนมัน
อั่งพูกอั่งฮือ	อั่งนี้อั่งหั้น	เดี๋ยวจะบ่ตัน	เรียบร้อย
เวลาคนเฮา	ยิ่งเฒ่าสุดซ้อย	ก็ยิ่งเหลือหน้อย	ทุกที
ขอหือพี่น้อง	จุงอยู่สุขี	และอย่าได้มี	เภทภัยมาต้อง
ขอบุญฮักษา	เทวาปกป้อง	ธรรมะคุ้มครอง	บ่ลด
หือมีจื่อเสียง	เงินทองลาภยศ	ปรากฏเกียรติก้อง	ดีงาม
แม้ว่าจะกิด	เยยะหยังก็ตาม	จุงประสบความ	สำเร็จเตอะเจ้า
จาวนาเยยะนา	ขอหือได้ข้าว	จะได้บรรเทา	ยากไร้
จาวไฮ่จาวสวน	ปลูกผักปลูกไม้	ก็ขอหือได้	ผลดี
คนขายคนค้า	ก็อย่าหมองศรี	ค้าหยังหือมี	กำไรเป็นก้อน
คนที่ว่าแก่น	ขาดแฟนคู่ฮ้อน	ยามกินยามนอน	เปลี่ยวว่าง
หรือที่ตกเป็น	บ้อหม้ายแม่ฮ้าง	ต้องพลัดคู่ข้าง	เมินมา
ขอหือปะฮัก	สมปรารถนา	ได้คู่วิวาห์	ปีนี้เตอะเจ้า
ขอพระคุ้มครอง	คนแก่คนเฒ่า	ลูกหลานวัยเยาว์	อ่อนน้อย

หื้ออายุยี่น	นับหมื่นนับร้อย	วรรณะเปล่งบ้อย	นวลใย
สุชะ พละ	จิตตะแจ่มใส	อย่ามีโรคภัย	อันใดมาบ้าน
หื้อมีปัญญา	วิชาการอบด้าน	ตั้งปฎิภาณ	ไหวพริบ
หื้ออิมเหมือนกิน	ข้าวตีพญน้ำตีพญ	แมนหีบหยังได้	เป็นเงิน
เพื่อนฝูงพี่น้อง	แซ่ช่องสรรเสริญ	กำรงานเจริญ	รุ่งเรืองก้าวหน้า
ขอหื้อครองตัว	อยู่ในศีลห้า	ตามกำพุทธา	สอนไว้
สิ่งไหนดีงาม	ก็จำมาใช้	คุมสติได้	ดีนา
ขอฝากพรนี้	ผ่านคลื่นเวหา	มาถึงบรรดา	คนฟังตางบ้าน
ขอหื้อเข้มแข็ง	มีแสงต่อต้าน	กับหมู่ภัยพาล	ทั่วทิศ
ขอคำพร	ที่ม่อนแต่งคิด	ศักดีสิทธิกุ้ออย	วลี
สวัสดิ์	ปีใหม่เนื้อเจ้า	เท่านี้สู้กันฟัง	ก่อนแลนายเฮย